

## Reirei 1 -Te Bwaibwara boni ngaia boton ao aan te reirei n te animaki ao te euangkerio


### 1 Tetaronike 5:21

Katai bwai ni kabane bwa auara; ao taua ni kamatoa are e raoiroi

**Katai:** Tuoa raoi bwa e boni koaua

**Taua ni kamatoa:**  
Kawakinna

1. Iraua bwaai aika tina katai
  - A. Nikabane
  - B. Tabeua
2. Tera aika tina taua
  - A. Are a taku aomata bwa e koaua
  - B. Ae raoiroi
3. Tina kanga n ataa ae raoiroi
  - A. Man te baibara
  - B. Mai irouia aomata



Te baibara kanga te ruura. Ngkana ti kabongana te ruura nakon etina, ao ena kona n anganiko raoi te abwaki ae eti. Ngkana ti kabongana raoi te Baibara, ao tina kona n ataa raoi te koaua ao etini bwai ni kabane.

**Te Atua e tuangiira bwa tina katai reirein aaro ni kabane. Ma tina tii kakoauai bwaai ake a koreaki n te Baibara. N te aro aei ao tina kona iai n ongeaba nakon nanon te Atua.**

1. A    2. B    3. A

### Ioane 8:31-32, 34

31 E taku Iesu nakoia Iutaia ake a kakoaua, ngkana kam botumwaaka n taua au taeka, ao bon au reirei ni koaua ngakami; 32 Ao ane kam na ataa te koaua, ao ena kainaomatai ngkami te koaua  
34 Ao e kaekaia Iesu, e koaua ae I tuangngkami, ane karaoa te bure ao bon ana toro te bure.

4. Antai ae taetae?
  - A. Ana kairiribai Iesu
  - B. Iesu
5. E taetae nakoia antai Iesu?
  - A. Iutaia
  - B. Tientaire
6. A bon kakoaua Iesu Tientaire?
  - A. Eang
  - B. Aki
7. Tina kanga n riki bwa ana reirei n koaua Iesu?
  - A. Tina ongo n aia reirei aomata
  - B. Tina tiku n ana taeka Kristo
8. Ngkana ko tiku n ana taeka Kristo, ana reirei ngke antai?
  - A. Kristo
  - B. Aomata
9. Ngkana ti aki tiku n ana taeka Kristo, ti kona n riki bwa ana reirei?
  - A. Eang
  - B. Tiaki
10. Antai ana taeka ae tina iria?
  - A. Kristo
  - B. Aomata
11. Tera ae tina ataia ngkana ti memena inanon ana taeka Iesu?
  - A. Te kewe
  - B. Te koaua
12. Tera ae kona n karaoia te koaua ibukira?
  - A. E kainaomataira
  - B. E karikira bwa ana toro te bure ngaira
13. Te koaua e kainaomataira man ana toro tera?
  - A. Te tua
  - B. Te bure

**Te taeka ae:** “Ngkana”:Ekakaota te bwai ae e na riki imwina

**Botumwaka:** Inanon au taeka

**Ana taeka Iesu:** Ni bong aikai ao ti ata te Bwaibwara bwa ana taeka

**Te koaua raoi:** Ni koauana ao bon te koaua raoi ae riai ni bwainaki

Ngke E taetae Iesu nakoia aomata ake a kakoaua ao E tuangia bwa a riai n teimatoa n Ana taeka. Bwa e aki tau ti te onimaki.

**Ngkana**

Ko botumwaka n ana taeka Iesu

**Ao kona bon:**

1. Riki bwa ana reirei ni koaua.
2. Man ata te koaua.
3. Ao e na Kainaomatako man te bure.



**Ngkana**

**Ko aki tiku n ana taeka**

**Ao kona bon:**

1. Riki bwa aia reirei aomata.
2. Iriira te kewe.
3. Ao n riki bwa ana toro te bure ao te buakaka



4. B 5. A 6. A 7. B 8. A  
9. B 10. A 11. B 12. A 13. B

**Ioane 12:44, 48**

44 Ao e kanenea bwanaana Iesu ni kangai, Ane onimakinai ao e aki onimakinai ma e onimakina teuare kanakomaiai.

48 Ane rawa nakou n aki kaki I nanona au taeka, ao bon iai irouna ane motika taekana: te taeka are I atongnga,boni ngaia are na motika taekana n te kaitira ni bong.

**Kaitaraa:** Ko rawa nako iai ke ko tannako mai iai

**Ko butimwaia:** Ke ko kariaia

14. Antai ae taetae?

- A. Betero
- B. Iesu

15. Ngkana tiaki butimwaea ana taeka Iesu, antai ae aki butimwaia?

- A. Ara tia reirei
- B. Iesu

16. Ngkana ti wareka te baibara ao tiaki kakoaua,ti butimwaea ana taeka te uea ke tiaki?

- A. Ti butimwaia
- B. Tiaki butimwaia

17. Tera ae na motiki taekaera?

- A. Te baibara
- B. Aia boki aomata

18. Ena motikaki taekara man aia boki aomata?

- A. Eang
- B. Eaki



**Ti bon riai ni katai ao ni kakoauai bwai ni kabane, man ara wareware n te Nutetamenti. Bwa te koaua e aki bitaki man ara onimaki ke aia reirei aomata**



14. B 15. B 16. B

17. A 18. B

Ngkana tina karekea ara bebwa ni kabuti kaa iaon Amerika ao ti riai ni kabongana te bebwa man te aba anne, ao tiaki mai Aotiteria ibukina bwa e aki bongana anne ibukira, ao ngkai ana bane ni motikaki taekara n ana taeka Iesu ao ti bon riai ni kamatebwaia ana taeka ake a koreaki n te Bwaibara. Kamatebwaian aia taeka aomata e na bon aki ibuobuoki ni bongin te motiki taeka.

N Ruka 22:14 ao e nooraki iai bwa Iesu e mena irarikiia ana reirei ake tengauni ma uoman. N te bong naba anne ma ana abotoro ao e koreaki naba n te boki ae Ioane n makorona ae 13 nakon 16. Aei are ti ataia iai bwa kiibu aika uoua aikai e bon nooraki iai bwa Iesu e bon taetae nakoia tii ana reirei

### Ioane 14:26

26 Ao te tia buobuoki are teTamnei are raoiroi, ena kanakomaia te Tama n arau, ena reirei ngkami bwai ni kabane, ao e na kauring inanomi bwai ni kabane ake I atongi nakoimi.

### Ioane 16:13

13 ma ngkana e roko teuare tamein te koaua, ao e na kairi ngkami nakon te koaua ni kabanea: bwa e naki taetae mairouna; ma ena atonga are ongo: ao ena tuangkami baikana na roko.

19. Mwaitira bwaai ae e reireinia te tia ibuobuoki?  
A. Ni kabane  
B. Tabeua
20. Mwaitira bwaai ae kauringia te tia ibuobuoki?  
A. Ni kabane  
B. Tabeua

21. Mwaitira te koaua ae ana karekea?  
A. Nikabane  
B. Tabeua
22. Abotoro ngke a kerekea te koaua ni kabanea, iai riki te koaua ae na manga roko imwiina?  
A. Iai  
B. Akea



**Iesu e taekinna bwa a na bane n anganaki abotoro taian koaua ni kabane. Kioina ngkai e aki kona n kewe Iesu, ao bon akea riki te koaua teuana ae anganaki te aomata temanna.**

Ngkana ko nakon te bangke n te Moanibong ao ko buuta am mwane ni kabane, ao koa manga nako riki n buuta am mwane n te bong are imwiina, ena kona n reke am mwane? E bon aki kona n reke.

**Te koaua ni kabane.**

19. A 20. A 21. A 22. B

### Iuta 1:3

Ngkami aika kam tangiraki, ngke I kakorakorai ni kan koroboki nako imi n taekina te maiu ae bon ara bwai ma ngkami, ao I taku bwa e bon riai bwa n na koroboki nakoimi ni butingkami bwa kam na kakorakorai ngkami I bukin te onimaki are a anganaki ake a itiaki are ti teuana anganakin te aba.

**Mwakuria:** Kaotan teimatoan ao raoiroin te kekeiaki.

**Reireinia:** Weteia ao anai nanoia bwa ana kaania nakon te reirei

**Botumwaka:** Teimatoa ni kaitarai mamara ma kakawenako n aekaia nako nako

23. Tera ae nikiraki?

- A. Te onimaki
- B. Te bwai n tangira

24. Ngke e koreaki te boki aei, te onimaki ea kaman roko ke ea tibwa tabe n roko

- A. Tibwa tabe n roko
- B. Ea kaman roko

25. Mwaitira te tai ae e roko iai te onimaki?

- A. Nikatoa tain kainanoana
- B. Ti te taina n tai



Ngkana ko tuangaki bwa kona uota te mwangko, ao ko kona ni uota are ko bon taku. Ma ngkana ko tuangaki bwa kona uota te mwangko ae buruu, ao ko bon riai ni uota ae nanonaki

**N te kibu aei ao e taekinaki te onimaki ae reireiaki taekana n te Baibwara ao tiaki aia onimaki aomata bwa te onimaki are mai iron te Atua**



**Te kibu aei ao e taekinaki te onimaki e a tia n roko, n te tai are koreaki iai te boki ae Iuta bwa ti teuana tain rokona ao akea riki. Nanona ngkanne bwa ai akea riki taekan te oniomaki ae na manga roko riki rimwi**

23. A 24. B 25. B

## 2 Timoteo 3:16-17

E anganaki te aba te baibwara ni kabene iroun Tamnein te Atua ao e manena nakon te reirei ao kaotan ana buakaka te aomata ao nakoina manga kaetana n te raoiroi bwa e aonga ni kabaneaki ni kataeaki nangina nakon mwakuri aika raraoi ni kabane

26. Mwaitira ana taeka te Atua ae e anganaki te aba  
A. Ni kabane  
B. Tabeua
27. Te baibara e reireina te aomata bwa ena ataa te eti ao te bure?  
A. Eang  
B. Eaki
28. Te baibara e reireina te aomata arona ni kaeta te bure?  
A. Eang  
B. Eaki
29. Te baibara e reireina te aomata arona n mauna te eti ao te koaua?  
A. Eang  
B. Eaki
30. E anganaki te aba te Bwaibara ni kabanea bwa e aonga n aera ana aomata te Atua?  
A. E na kainanoa aia reirei aomata  
B. Ni kabaneaki arona
31. E anganira bwai aika ti kainanoi te Bwaibara bwa ti aonga ni kona ni karaoi mwaitira bwaai aika raoiroi?  
A. Ni kabane  
B. Tabeua
32. A bane bwaai aika ti kainanoi inanon te Bwaibare ibukin te onimaki ni koaua?  
A. Eang  
B. Eaki



Ngkana ko na kamwaa te raitii, kona bon tii kainaoa te raiti, te bwaata, te ran ao te aii. Ngkana a bane n iai bwaai aika 4 aikai irom, a bane n reke irom bwaai aika kainanoaki ibukin kamwaan te raiti.

**Te Bwaibara:** bon ana taeka te Atua are e a tia ni koreaki

**E roko mai iroun te Atua:** Bwa e taetae ao e ikeikenna.

**Moan te kakawaki:** Ao moan te bongana ibukin te aomata


**Kanoan te reirei:** Ibukin ataki te Atua.

**E kawanawana te aomata:** E kaota kairuan ao kabwakan te aomata.

**Te itiaki ao te kororaoui:** E kaoti kawai aika moan te eti man riai.

**Kataubobonga:** E kabobonga raoi maiun te aomata.

**Babaronga:** E katauraoa te aomata ni bwai ni kabane ake e kainanoi



**Te Bwaibara bon ana taeka te Atua ibukra ni bong aikai, e tuangira arora aika riai ibukin te mwakuri ae raoiroi bwa ti aonga ni kakukureia te Atua. Nanona ngkane bwa akea riki itinanikun te Bwaibara ae kona n kaota arora ni kakukureia te Atua. Bwa e a tia ni katauraoui bwai ni kabane aika ti kainanoi ibukini karaolan re raoiroi ni kabane, ao bwaikorakin te maiu nTamnei a boni bane naba inanona n akea te bwai teuana ae tiku, kanga airon kamwakin te raiti, ngkana a boni bane n reke iroum bwai ni kabane ao bon ti anne ae kainanoaki.**

## I-Karatia 1:1-2, 6-9

1 Bwauro, ae te tia tuatua \_ ae tiaki mairouia aomata, ao tiaki naba mairoun te aomata, ma bon te tia tuatua iroun Iesu Kristo, ma te Atua ae te tama, ae kautia mai buakoia maate\_, 2 ao taari nikabaneia aika irou, nakoia ekaretia ake i Karatia

6 I mimii ngkai kam kai rairaki mairoun teuare weteimgkami n ana akoi Kristo, nakon te euangkerio teuana; ao tiaki aongkoa iai te euangkerio teuana: 7 ma ti aei, bwa iai tabeman aika nanoi ngkami, ao a kani kabwaoua euangkerion Kristo. 8 Ao ngkana tao ngaira ke te anera mai karawa, ae na taekina te euangkerio ae tiaki are ti taekinna nako imi ngkoa, ke e reke kaina. 9 Tia manga kaangai, n ai aron are taeka are rimoa, ngkana tao e taekina te euangkerio teuana nakoimi te aomata temanna, ae tiaki are kam anganaki ngkoa,ao ke e a reke kaina.

E koroboki Bwauro nakoia kiritian.

33. A tannako kiritian man te euangkerio?

- A. Eng
- B. Aki

34. A kona anera ni taekini euangkerio riki tabeua?

- A. Eng
- B. Aki

35. E kona Bwauto n taekini euangkerio riki tabeua?

- A. Eng
- B. Aki

36. Aomata ngkai a kona n taekini euangkerio riki tabeua?

- A. Eng
- B. Aki

37. Tera ae na riki nakoia ake a taekina te euangkerio ae kaokoro ma are taekinna Bwauro?

- A. Ena reke kaia
- B. Ana kakabwaiaki

38. Tera ae na riki nakoia ake a ira nanon ae kaokoro ma are e taekinna Bwauro.

- A. Ana reke kaia
- B. Ana kakabwaiaki

### **Kaota tauani bukin te koaua:**

Tataekina te koaua ma te korakora  
ao te aki mamaku

Ngkana ko bora n taka ao temanna te aomata e a anganiko naba nimam te ran, ko na bon riai n mooi iai. Ma ngkana ko noora te aomata arei bwa e kaboitina te mooi ao e anganiko naba ao kona bon bae n aki butimwaea te mooi anne.



33. A 34. B 35. B

36. B 37. A 38. A


**Bwauro e kataia bwa a na kawakina te koaua kiritian ao a na aki kariaia bwa ena bitaki irouia aomata tabeman. Tina riai n katotonga ae karaoia Bwauro.**

### Te kaotioti 22:18-19

18 I tuangiia aomata ni kabaneia akana ongo taeka ni burabeti aika ana taeka te boki aei, ngkana e raon taeka aikai te aomata temanna n ana taeka tabeua, ao te Atua ena raona naba kaina ni bwaai ni kamamate aika koreaki taekaia nte boki aei: 19 ao ngkana tao e uota nako te taeka teuana te aomata temanna man ana taeka bokin te taeka ni burabeti aei, ao te Atua ena uotanako tibwangana are nte kai ni kamaiu, ao n te kawa are tabu, ake a koreaki taekaia nte boki aei.

**Taekina te koaua:** kaota te koaua ma te korakora n aki maku

39. E riai te aomata bwa ena anai ke n karin taeka tabeua n ana taeka te Atua?  
A. Eng  
B. Eaki
40. Tera ae na riki nakoia ake a karin taeka tabeua ibuakon ana taeka te Atua?  
A. Akea te bwai ae na riki nakoia  
B. Ana kammarakaki ni bwai n kamamate ake a oti taekaia nte boki
41. Tera ae na riki ngkana anai ke a kakeea ana taeka te Atua?  
A. Akea te bwai ae na riki nakoia  
B. E na anaaki tibwangaia man te boki ni kamaiu



$$5 + 1 = 6$$

Ngkana ko ikoti ke ko anai man te ware ae 5 ao ena otinako am reke ae ai tiaki 5.

$$5 - 1 = 4$$

Ai uana naba ma ana taeka te Atua, ngkana ko ikota te taeka teuana nako iai ke ko kakeea te taeka teuana ma iai ao ai tiaki ngkanne ana taeka te Atua.

**Te Baibara e nako mairoun te Atua. E tuangiira bwai ni kabane aika tina riai n atai bwa ti aonga n karaoi bwai aika e tangirira te Atua bwa tina karaoi. Bon akea riki te koaua teuana itinanikun are e taku te baibara.**